



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. IV. Vtrum Deus agat propter finem?

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DE ULTIMO FINE HOMINIS.

13

de Apollonio tradidit Philostratus, ab ipso conficta esse creduntur, ut videri potest apud Baronium tom. 1. anno Christi 68. num. 31.

Ad complementum hujus questionis, quæ res in quo consistat naturalis instinctus animalium?

Respondeo breviter, juxta probabilem sententiam, illum confistere in representatione quadam convenientis aut inconvenientis, facta per species insensatas, residentes in estimativa bruti, & sensatis speciebus eductas. Pro cuius intelligentia sciendum est, dari in brutis estimativa potentiam, quæ est sensus quidam interius, cuius hoc est munus proprium, ut ex speciebus sensibilibus eliciat speciem insensatam: v.g. cum ovis videt lupum venientem, ex specie sensibili lupi ejus estimativa elicet speciem inimicitæ, quæ est insensibilis, & quæ insensata appellatur, quia à sensibus externis non percipitur. Hæc ergo estimativa bruti, ut insensata speciebus illis insensatis, quibus ratio convenientis & inconvenientis illi representatur, naturalis ejus instinctus dicitur. Unde probabilitate caret illorum sententia, qui afferunt naturalem instinctum animalium consistere in speciebus insensibilibus à Deo, eorum quæ sunt illæ convenientia aut nociva, representativis: hic enim dicendi modus mures & formicas facit aequales Angelis, quibus ob naturæ perfectionem infunduntur à Deo species in primo instanti creationis, ut in Tractatu de Angelis ostensum est.

ARTICULUS IV.

Vtrum Deus agat propter finem?

§. I.

Quibusdam premisis statutis difficultatis proponitur.

Suppono primum, Deum in ratione agentis considerari posse dupliciter: scilicet in ratione agentis ad intra, vel ad extra. In primo sensu consideramus actiones Dei pure immobiles, quarum alia dicuntur merè essentiales, illæ scilicet quæ sunt communes tribus personis, ut scientia, intellectio, & amor essentialis: alia vero vocantur notionales, quæ nimis sunt propria alicuius Personæ, & non communes tribus, ut generatio Verbi, & productio Spiritus Sancti. In secundo vero sensu consideramus actiones quibus Deus operatur ad extra: quæ adhuc dupliciter considerari possunt, vel quatenus se tenent ex parte Dei, vel prout se tenent ex parte termini & effectus producti; & secundum hanc terminationem passim non sunt aliud quam ipsius effectus ad extra producitur, ut pendens ab actione Dei: sicut cum proportione denominatio visi in pariete, nihil est aliud, quam ipsam partem, ut connotans actum voluntatis. Quod ut magis declaretur:

Suppono secundum contra Durandū, Suarez, & alios modernos, Deum non agere ad extra per actionem formaliter transeuntem, Probatur breviter: quia, ut ostendimus in Tractatu de scientia Dei, potentia operativa in Deo non di-

A stinguitur ab intellectu & voluntate illius: Sed actio intellectus & voluntatis est formaliter immanens, cum sit actio vitalis: Ergo omnis operatio Dei est formaliter immanens; subindeque non formaliter, sed virtualiter tantum transiens. Unde si Angeli operantur ad extra per actum imperii, virtualiter solum transirent, ut docet S. Thomas opusc. 11. art. 3. ubi ait quod Angeli movent celos, conceptione sui intellectus efficaci: ita & à fortiori Deus, quippe qui est naturæ magis simplicis, & cuius intellectus practicus, longe potentior est & efficacior intellectus Angelorum.

B Addo quod, si executio activa, seu actus secundus omnipotentiæ divinae, esset actio formaliter transiens; & consequenter ab ipsa potentia realiter distincta, utpote in creatura producenda existens; potentia Dei executiva non esset infinita, quia scilicet non identificaret sibi ea omnia quæ pertinent ad propriam lineam; non enim identificaret sibi actum secundum: sicut intellectus divinus non esset infinitus, si realiter distingueretur ab intellectione. Non esset etiam actus purus, è quo esset in potentia, etiam physica, ad proprium actum, à quo realiter distingueretur.

C Dices: Quando Deus operatur simul cum causa secunda, putà cum igne, producendo cum illo calorem, calefactio est concursus simultaneus causæ primæ & secunda: Sed calefactio est actio formaliter transiens: Ergo Deus operatur ad extra per actionem formaliter transirentem.

Respondeo calefactionem dici concursum Dei, quia mediante illâ producit ulteriore effectum, scilicet calorem: quamvis comparata ad Deum, potius habeat rationem effectus, quam actionis; quia procedit à Deo mediante alia actione distinctâ, & cum ipsa omnipotentiæ divina identificata, putà cum imperio efficaci divini intellectus practici, qui est potentia Dei ad extra operativa.

D Suppono tertio, quod sicut in causa formaliter possumus separare rationem formalem à causalitate formalis; ito de facto reperiunt separata in Deo, respectu sui (dicimus enim immutabilitatem Dei esse rationem formalem aeternitatis ipsius, non vero causam) & tunc ratio formalis idem est quod causa formalis, seclusa imperfectione: ita similiter possumus praescindere rationem finis à causalitate finis, & conceperre quod aliqua actio sit propter finem diversis modis; scilicet propter finem, tanquam propter causam finalem; & propter finem, tanquam propter rationem solum finalem, praescindendo ab imperfectionibus dependentiæ & distinctionis, quæ in omni vera & propria causalitate reperiuntur.

E Quaripus ergo in hoc articulo, an Deus in suis aeternis transeuntibus & immanentibus agat propter finem, tanquam propter veram causam finalem, vel solum tanquam propter rationem finalem? vel ut alij dicunt, an actiones divinas, tam immanentes, quam transeuntes, habent causam finalem realiter, aut solum virtualiter influentem.

B 3

• §. II.

§. II.

*Quatuor sequentibus conclusionibus difficultas
proposita resolvitur.*

77. **D**ico primò, Deum agere propter finem, tanquam propter veram causam finalē, in suis operationibus ad extra, quantum ad terminationem passivam, & quatenus se tenent ex parte effectus.

Probatur conclusio: Hujus mediactiones, secundām terminationem passivam, sunt ipsimet effectus producti, seu ipsamēt creaturæ: Sed effectus seu creaturæ sunt propter finem, tanquam propter veram causam finalē: Ergo & operations ad extra, quantum ad terminationem passivam quam important. Major patet ex prima suppositione. Minor etiam est evidens: nam creaturæ inter se subordinantur, una tendit ad aliam ut ad finem, & omnes tandem ordinantur ad divinam bonitatem. Sic Deus vult pluviam propter pascua, pascua propter pecora, pecora propter homines, & homines propter seipsum. Vel ut ait D. Thomas 1. p. quest. 19. art. 5. ad 3. & primo contra Gentes cap. 26. Deus voluit hominem habere manus, ut deservirent intellectum, operando diversa opera; & voluit eum habere intellectum, ut esset homo; & voluit eum esse hominem, ad complementum universi; & tandem voluit bonum & complementum universi, ut suam sapientiam, bonitatem, potentiam, aliasque perfectiones manifestaret. Unde Proverb. 16. dicitur: *Vniverſa propter ſemētū operūtū eft Dominus.* Et ad Roman. 11. *Ex ipſo, & per ipſum, & in ipſo ſunt omnia.* Quem locum expponens D. Thomas ait, quod cùm Apostolus dicit, *ex ipſo*, designat causam efficientem; cùm ait *per ipſum*, causam exemplarem; & quando addit, *in ipſo*, causam finalē creaturarum, quæ non eft alia quam divina bonitas.

Dico secundò, Deum non agere propter finem, tanquam propter veram causam finalē, in suis actionibus ad extra, quatenus se tenent ex parte iplus Dei, & quantum ad terminationem activam.

78. Probatur primò ex D. Thoma in 2. dist. 1. quest. 2. art. 1. ad 4. ubi sic habet: *Actio divina eft effentia eius: & ex hac parte non queritur finis eius, sed ex illa parte quæ effectum creatura communicat.* Ergo sentit D. Thomas, quod Deus non agit propter finem, ita quod ly propter importet causalitatem in actionem, sed solum in effectum per illam producunt.

79. Probatur secundò: Implicit aliquid increatum, & omnino independens, habere aliquam veram causam: Sed actio ad extra, quatenus se tenet ex parte ipsius Dei, est aliud increatum, independens, divinum, & ipsemēt Deus; ut enim in secunda suppositione ostendimus, Deus non agit ad extra per operationem formaliter transiunt, in creatura producta existentem, sed per actionem formaliter immanenter, & virtualiter tantum transiunt; atque adeo in Deo existentem, & cum ipsa Dei substantia realiter identificata: Ergo, &c.

80. Dices, repugnare quidem enti increato quod habeat causam efficientem, non tamen quod habeat causam finalē: quia cùm causalitas finalis consistat in allicitia ad bonitatem finis, & in motione solum metaphorica, nullam in-

A fert imperfectionem in ea actione quæ eft propter causam finalē.

Sed contrà primò: Impossibile eft quod aliquid habeat causam finalē, & non habeat efficientem: Ergo si eft imperfectione quod aliquid habeat causam efficientem, erit etiam imperfectione quod habeat causam finalē. Antecedens probatur: quia de ratione cause finalis eft ut gratia ejus aliquid fiat: Ergo causa finalis necessariō connotat in effectu dependentiam causa efficiente: nam gratia finis aliquid fieri idem eft quod produci, ac proinde habere causam efficientem: unde in multorum sententia causalitas causa efficientis & finalis, eadem eft secundum rem.

Secundò, Hoc quod eft esse à cauſa finali, præcisè ſumptum, includit imperfectionem dependentiarū: in hoc enim præcisè diſtinguitur cauſa à principio, quod cauſa necessariō infert dependentiam, non verò principium: unde in Divinis conceditur unam personam eſe ab alia tanquam à principio, non verò tanquam à cauſa: Ergo cùm cauſa finalis sit vera cauſa, non potest intelligi aliquid eſe à cauſa finali fine dependentia.

Probatur tertio conclusio: Si volitio Dei, libera, ſecundām illud quod importat in recto, & quantum ad terminationem activam, cauſam finalē realiter cauſantem habet, debet cauſari finaliter à bonitate divina, vel à bonitate creata: Neutrum dici potest: Ergo, &c. Minor pro prima parte ratione facta ſuaderetur: Nam inter cauſam finalē & effectum realis diffinatio requiritur; cùm cauſa finalis sit verò propriè realis cauſa: Sed volitio Dei libera non diſtinguitur realiter à divina bonitate: Ergo ne cauſatur realiter ab illa in genere cauſa finalis. Pro ſecunda verò parte licet ostenditur: Dependere ab aliquo creato ut a fine, maxima imperfectione eft: Ergo talis dependentia relegati debet à divina volitione.

Addo quod cauſa finalis & efficiens, ſibi invicem correpōndent: unde omnium quorum Deus eft finis, eft etiam cauſa efficiens, juxta illud Apocal. 1. *Ego sum Alpha & Omega principium & finis.* Sed actio Dei libera, quantum ad terminationem activam quam importat in recto, non potest ab aliquo creato ut ab efficiēt procedere; cùm ſub hac ratione & formalitate ſit quid increatum & divinum, ipsaque Dei ſubſtantia, ut ſuprā dicebamus: Ergo ſub hac ratione non potest finaliter a creatura cauſari.

Hinc colliges, non posse dici abſolute quod Deus creaverit mundum, propter veram cauſam finalē: ſensus enim eſt quod ipſa creatione, quatenus ſe tenet ex parte Dei, & quantum ad terminationem activam (terminationem enim activam designat verbum illud *creavit*) fuit propter finem, tanquam propter veram cauſam finalē; quod repugnat, ut ostendimus. Dici tamen potest, quod mundus eft produc̄tus à Deo propter veram cauſam finalē: ſensus enim eſt, quod ipſa creatione, ut ſe tenet ex parte effectus, & ſecundām terminationem passivam (terminationem enim passivam designat passivum illud *creatus eft*) fuerit propter veram cauſam finalē; quod conlata eſt verum ex praecedenti conclusione. Hac diligenter obſerva.

Dico tertio, Deum in omnibus actionibus liberis, etiam quatenus ſe tenent ex parte ipius Dei

DE ULTIMO FINE HOMINIS.

15

Dicit agere propter finem, tanquam propter rationem finalis.

Probatur primum ex D. Thoma q̄st. 23. de veritate art. 4. dicente quod bonitas divina est quasi finis operationis divine. Ubi particularia illa qua videtur innovere quod divina bonitas non est absolute finis, ut dicit rationem cause finalis, sed dicit rationem finis sine causalitate. Unde quando idem S. Doctor i. cont. Gent. cap. 87. sit, quod sua bonitas est Deo causa volendi, loquitur de causa diutinatius virtuali, seu de ratione voluntatis, ut pater ex capite praecedenti, ubi sic dicitur: *Finit est ratio volendi ea qua sunt ad finem: Deus autem vult bonitatem suam, tanquam finem: etiam autem alia vult tanquam ea qua sunt ad finem: sicut igitur bonitas est ratio quare vult alia qua sunt diversa ab ipso.*

Probatur secundum ratione. Ratio praecisa finis, scilicet imperfectionibus causa, est quod moveat & alliat voluntatem: Atque bonitas divina alicet & moveat voluntatem ipsius Dei, in omnibus suis actibus liberis, & operationibus ad extra, juxta illud Dionysij de divinis nominib. cap. 4. *Divinus amor non dimittit eum esse sine genuine.* Et si dicitur Boëtij lib. 3. de consolatione.

*Quem non externe pepulerunt singere causa
Mater fluitans opus, verum infra summi
Forma boni, divore carens, &c.*

Ergo bonitas divina habet rationem finis in omnibus actibus Dei liberis, & operationibus ad extra.

Confirmatur: Quamvis attributa divina non possint habere causam efficientem rigorosam, quia hec dicit in effectu imperfectionem distinctionis & dependentie; possunt tamen habere causam efficientem virtualem, nempe naturam divinam, à qua virtualiter dimanant, & qua dicuntur ratio à priori attributorum: Ergo similiter, quamvis voluntio Dei libera non possit habere causam finalis rigorosam; quia non potest intelligi aliquid esse à vera causa finali, sine dependentia; habet tamen in Deo quandam rationem volendi, qua dicitur causa impræpotentia virtualis, & secundum nostrum modum comprehendit; quia non est alia quam divina bonitas movere, & determinans Deum ad eliciendas hanc illas volitiones circa creaturas.

Ex his solutum manet argumentum contra præcedentem conclusionem, quæ Curieli diffidit. Visum est, & quod potest sub hac forma proponi. Deus in Scriptura absolute dicitur operari propter finem, ut patet ex illo, Proverb. 16. *Venientia propter semeripsum operatus est Dominus:* Sed non potest absolute dici Deum operari propter finem, si solum effectus à Deo producti ordinarentur in finem, non verò ejus operatio: Ergo non solum effectus à Deo producti, sed etiam ejus volunties liberæ, ejusque operationes ad extra, diriguntur & ordinantur in finem. Major probatur. Operari propter finem, non est producere tantum aliquid quod habeat finem, sed est exercere operationem propter finem, seu voluntatem agentis moveri anime ad operandum propter ipsum finem: Ergo ut Deus dicatur agere propter finem, non sufficit quod effectus ab illo producti ordinantur in finem, sed insuper requiritur quod ejus operatio fiat propter finem, seu quod Deus à bonitate finis moveatur ad operandum ad extra,

Huius, inquam, argumento patet solutio ex jam dictis. Sicut enim cùm Deus dicitur operari ad extra, hoc intelligitur seclusus imperfectiōnibus causalitatē & dependentiā actionis à principio: ita cùm dicitur operari propter finem, hoc debet intelligi, seclusus imperfectiōnibus, quae in effectu causa finalis reperiuntur, inter quas, ut diximus, est dependentia operationis à fine. Hac autem imperfectione seclusa potest dici quod divina bonitas est finis actionis divinae, seu potius ratio finalis illius; sicut immutabilitas dicitur ratio à priori, & causa virtualis aeternitatis: nam sicut si aeternitas posset habere veram causam efficientem, nullam aliam haberet, quam immutabilitatem; ita si operatio Dei ad extra posset habere veram causam finalem, nullam aliam haberet, quam divinam bonitatem. Unde in forma ad argumentum respondeo, concessa Majori, negando Minorem. Ad cujus probationem, distinguo Antecedens: Est exercere operationem propter finem, ita ut y propter semper dicat veram & rigorosam causalitatem, nego Antecedens: ita ut dicat veram causalitatem, vel rationem à priori, seu causalitatem tantum virtualem, concedo Antecedens, & nego Consequentiam. Ut enim Deus absolute dicitur agere propter finem, sufficit quod effectus ab illo producti, sint propter ejus bonitatem, tanquam propter veram causam finalem ipsorum; & ejus actiones ab eadem infinita bonitate, ut à ratione à priori, causa virtuali procedant.

Dico ultimò, Deum in actibus necessariis, essentialibus, aut notionalibus, non agere propter finem, tanquam propter veram causam finalem, vel etiam tanquam propter rationem à priori.

Probatur: Ut aliquod agens dicatur agere propter finem, tanquam propter veram causam, aut tanquam propter rationem à priori, non debet esse ab intrinseco & ex propria natura ad talem actionem determinatum, sed ad illam ex cognitione & amore finis determinari; nam causalitas finis consistit in hoc, quod determinet agens ad operandum: Sed Deus ab intrinseco & ex propria natura est determinatus ad actus essentiales & notionales; est enim naturaliter determinatus ad se cognoscendum & diligendum; & Pater ex perfectione & fecunditate naturae divina est determinatus ad generandum Filium, & idem est de Patre & Filio respectu Spiritus Sancti: Ergo Deus in actibus necessariis, essentialibus, aut notionalibus, non potest dici agere propter finem, tanquam propter veram causam finalem, vel etiam tanquam propter rationem à priori.

Dices: Perfectissimus modus operandi naturaliter intellectualis, consistit in hoc quod est operari dirigendo operationes in suos terminos & fines, quod est operari propter finem; & in hoc excedit naturam ratione carentem, ut vidimus articulo præcedenti: Ergo non est denegandus Deo, quantum ad actus essentiales, & quantum ad processionem Divinarum Personarum.

Respondeo quod quamvis ille modus operandi importet perfectionem respectu naturae intellectualis creatæ, non sequitur quod etiam importet perfectionem respectu increatæ, & quantum ad actus necessarios, essentiales, aut notionales: major enim perfectio est, quod determinat

terminatio ad illos actus proveniat ex intrinseca determinatione & perfectione divina natura, quam quod ad eam sit necessarium presupponi directionem aliquam in finem. Imo neque in natura creata ille modus operandi importat perfectionem, universaliter quoad omnes actiones, sed solum quoad eas quibus tendit in finem: unde supra diximus, quod actus consequentes possessionem finis, ut fructus & delectatio de fine adepto, non sunt propter finem, sed corollarium & complementum illius.

Articulò 3. querit D. Thomas, utrum actiones humanæ specificentur à fine? de quo dicimus infra quæst. 18.

ARTICULUS V.

Utrum finis intermedius verè & propriè habeat rationem finis?

Partem negativam tenet Vazquez hic disp. 4. cap. 2. affirmativam verò cœteri Theologam, tam domestici, quam extranei. Unde sit

S. I.

Conclusio affirmativa statuitur.

Dico igitur fines intermedios verè & propriè rationem finis habere.

94. Probatur primum ex Scriptura: Apostolus enim 1. ad Timoth. 1. ait: *Finis precepti est charitas*: At constat quod caritas non est finis ultimus, sed intermedius, sive ad Deum comparatur, sive ad beatitudinem: Ergo ex Scriptura finis intermedius est verè & propriè finis.

95. Confirmatur: Salus hominum est finis incarnationis Verbi divini, ut patet ex illis verbis Symboli Nicæni: *Qui propter nos homines, & propter nostram salutem descendit de celo*, & incarnatus est: At salus nostra est finis intermedius; ordinatur enim ad Dei gloriam, & manifestationem perfectionum ipsius: Ergo finis intermedius verè & propriè rationem finis habet.

96. Probatur secundo ex D. Thoma infra quæst. 12. art. 2. ubi expressè docet quod intentio non solum est circa finem ultimum, sed etiam circa finem intermedium: At intentio versatur circa finem formaliter sub ratione finis: Ergo ex D. Thoma, non solum finis ultimus, sed etiam intermedius, verè & propriè habet rationem finis. Unde ibidem art. 1. ad 2. ait: *Duplex est finis, scilicet ultimus & propinquus*. Et 2. Phylac. lect. 5. Omnia (inquit) qua sunt intermedii inter primum movens & ultimum finem, sunt quodammodo fines; sicut medicus ad sanitatem inducendam extenuat corpus, & sic sanitas est finis macie; maciem autem operatur per purgationem, purgationem autem per potionem. Unde omnia hac sunt quodammodo finis: nam macies est finis purgationis, & purgatio potionis. Ubi particulilla, quodammodo, non significat hujusmodi fines intermedios verè & propriè rationem finis non habere, sed solum non ita perfectè competere illis rationem causa finalis, sicut finis simpliciter ultimo.

97. Tertiò siuaderi potest conclusio ratione quâ uititur idem S. Doctor hic art. 6. quæ potest sic proponi. In causis efficientibus licet detur una prima causa efficientis, ex cuius virtute & subor-

dinatione alia causa intermedie & proxime operantur, nihilominus causa secundis, & subordinata verè & propriè causans in genere causæ efficientis: Ergo licet detur unus finis ultimus, ad ulteriorem non ordinatus, ex cuius motione omnia aguntur, hoc non obstante concedi debent fines intermedii, qui quavis ex motione finis ultimi agant, tamen veri sint fines, & causent in genere causæ finalis. Consequens probatur ex paritate rationis: non minus enim causa efficientis debet esse aliquid primum, quam causa finalis exigat esse aliquid ultimum; unde propterea definitur id à quo primo incipit motus, sicut causa finalis, id quod per se ultimo appetitur: Sed non minus reputat illi quod est primum subordinatio ad aliquid primum, quam repugnat illi quod est ultimum subordinatio ad aliquid ulterius: Ergo subordinatio à quæ repugnare videtur causa efficientis, ac falsa. Si igitur causa dependens ab alia priori, eique subordinata, habeat rationem causa efficientis; finis etiam veram rationem causa finalis obtinebit, quavis sit intermedius, & alteri subordinatus.

Confirmatur: Ita se habet finis in prædictis, sicut principium in speculatiis: Sed in speculatiis ratio formalis principiis non solum valet tantum in principiis primis & universaliis, sed etiam in intermedii, ex quibus immediate conclusiones deducuntur: Ergo similiter ratio formalis finis valatur non solum in fine ultimo, sed etiam in finibus intermedii. Cmo simpliciter, sed etiam in finibus intermedii.

Explicatur hoc magis: Sicut enim principia intermedia duplē dicunt habitudinem, & nam ad conciliaciones quas continent, & quæ illis deducuntur, & sic habent rationem principiū; alteramad prima principia à quibus derivantur, & sub hoc respectu non habent rationem principiū, sed principiū. Ita similiter finis intermedii duplē respectum habent, unum ad finem ultimum, secundum quod ut media conducunt ad illum; & sic non habent rationem finis, sed medii; alterum ad ea anterius media quæ ordinantur ad ipsos, & respectu illorum habent veram rationem finis, in quantum talia media appeti possunt, & de facto ali quando appetuntur propter illos.

Respondet Vazquez, negando consequiam, & paritatem: quia, inquit, causa secunda efficientis, & principia intermedia, habent virtutem & veritatem intrinsecam, per quam possunt verè influere in effectus, vel in consilio; fines verò intermedii non gaudent bonitatem intrinsecā, quā possint movere & terminare appetitum.

Sed contrà: In causis efficientibus secundis ratione quoddam sunt instrumentales, & quedam principiales; & principales quidem, per propriam virtutem agunt, instrumentales vero, virtute causa principalis, & tamē vere agunt: Ergo ad rationem causa efficientis, non semper requiriatur quod agat virtutem propriam: Ergo pariter ratio causa finalis non semper exigat gaudere honestate sibi propriam, & ab alio ulteriore fine independente. Hæc consequientia videatur legitima: quia major requiritur rigor ad veram causalitatem efficientem, quam ad finalem; cum haec sit metaphorica respectu illius: unde si ad veram causalitatem efficientem sufficit virtus parti-